



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cura Salvtis, Sivæ De Statu Vitæ Mature ac Prudenter  
Deliberandi Methodus**

**Hevenesi, Gábor**

**Coloniae, 1716**

**VD18 13912755**

Multi Religiosi malè vivunt.

[urn:nbn:de:hbz:466:1-50144](#)

*Multi Religiosi malè vivunt.*

1. Numquid plures bene vivunt? cur te paucorum vita deterreat, cùm plurimorum exempla invitent. Non adeunda Religio, ut imbecilliorum quis vestigia sequatur, sed ut ferventiorum mores imitetur.

2. Religiosus status laudabilis manet, licet aliqui sint in eo imperfecti. Sic etiam in schola Christi repertus est Judas, hujus tamen ruina non impedivit Saulum, qui ad Apostolatum vocatus, consentiret vocationi.

3. Nullus est in orbe status, in quo DEUS non permittat aliquos labi. Ecclesia DEI sancta est, & tamen multi in ea malè vivunt. Etiam in cœlo inter Angelos DEUS reperit pravitatem, propter quod tamen cœlum intrare non timemus.

4. Si malè aliqui vivunt in Religione, numquid absque comparatione plures malè vivunt in sæculo? qua igitur ratione sæculum Religionem præferre poteris?

5. Si qui sunt, qui malè vivunt in Religione, ille de se DEO reddent rationem, non tu de illis. Illi viderint, quid agant

agant : tu, si ad Religionem spiras; sanctiora cape consilia, & charismata æmuleris.

6. Licet aliqui aliquando malè vivant in Religione, huic tamen labem non affricant, quia tales pro mensura delicti graviter castigantur, aut etiam à Religionis corpore, itanquam membra putrida rescinduntur, & abiciuntur.

7. Qui in Religione malè vivunt, signum est, quod in sæculo malè vixerint, nec ritè deliberaverint, aut alterius, qui eos dirigere debuisset, consilio non usu, indebetè Religionem ingressi sint. De te autem meliora suppono. Cæterum, si qui sunt, qui in Religione malè vivunt, indubitatum mihi est, eos in sæculo adhuc pejus viituros, Deumque sæpius offensuros fuisse.

### *Sum ultimus Familiæ.*

I. **M**ultos ea tangit familiæ propagandæ cura, ut credant, si quis unicus sit, in quo spes propagationis sita sit, hunc, etiamsi sentiret, se à DEO ad Religionem vocari, tutò posse, imò debere manere in sæculo. Quod fortè locum in eo casu habere posset, si per defecatum familiæ, ut apud Reges

M 2 & Prin.